

定陶縣志序



定陶彈丸之邑在昔游成陽陶  
河濱導荷澤從三駸堯舜禹湯  
之聖累世繼踵而朱公致富於  
斯赤帝開基於斯愛弟錫圭懿

定陶縣志

新序

親食采於斯是誠夷衍蕃息之  
區而沐浴詠歌之地也地狹而  
饒民樸而愿舊爲充西望邑雖  
代有沿革俗有興衰而自勝國  
以降猶熙攘相仍室廬相望迨

叔季之世饑饉洊臻

**定**鼎之初四郊多壘而戶口之流  
亡土地之荒蕪者十四五矣戊  
子李化鯨之變蹂躪陶封被禍  
獨慘化鯨伏辜餘氛未殄郊圻

定陶縣志

新序

二

之間幾無寧晷民殘地荒者十  
八九矣迄今五六年來瘡痍未  
起元氣未廻露吸鷓棲風聲鶴  
唳蓋從有陶來一火厄運也尚  
賴

當軸之靈地方之福底定安集  
稍有寧宇僕濫竽茲土得幸免  
隕越者於陶之紳衿父老實有  
藉焉而陶之隆而替危而安者  
亦已數數矣縣志自明萬曆戊

戌修後至今幾六十年未經繕  
葺不幾令前此者有勸懲不止  
之憂後此者有湮沒無稽之歎  
耶僕雖不敏請事斯役於是式  
高賢之間採耆老之傳因舊志

而損益之集時髦而討論之不  
日告成將授諸梓衆以序屬僕  
僕縱無文然叨爲令長奚容固  
辭勉搦管焉竊以分之爲邑志  
者合之爲

定陶縣志

新序

四

史凡地方之理亂財賦之贏絀

人才之盛衰風俗之淳澆皆於

是乎載非可苟焉而已雖然徵

獻考文修闕舉廢此目前有司

事也若夫鑑理亂而揆安輯之

原審羸絀而圖節愛之實感盛  
衰淳澆而廣培養維持之化此  
非一人一時之事而

在上之觀風問政與方來令茲  
土者事也今天下由理而之亂

定陶縣志

新序

五

由羸而之絀由盛而之衰由淳  
而之澆者就山左而言之寧獨  
定陶爲然而定陶較甚蓋陶邑  
偏在本省西陲處鞭長不及之  
勢歲凶則賑濟稽於傳命寇起

則援勦困於兼程豪右寄座土  
著獨肩其累藩籬窺伺鄉氓夜  
枕莫安今日之陶與昔日之陶  
或相什伯矣而代編之遞馬不  
得免焉協濟之河夫不得免焉

坐荒開屯按丁派柳饑者弗食  
勞者弗息如此民安得不窮財  
安得不盡民窮財盡而

當事者猶較較然指之曰縣耳  
縣耳嗟乎獨不可以披斯志而

覽之乎僕蓋因斯志而深悲夫  
今日之陶不得爲昔日之陶也  
且深懼夫他日之陶不能長爲  
今日之陶也惟望

當事仁人君子覽斯志而惻然

定陶縣志

新序

七


思懼然動穆然而早爲之所振  
刷以消其竊伏愛養以舒其物  
力作興以鼓其志氣涵育以扶  
其教化所謂十年生聚十年教  
訓數十年之內縱不能復鄉者

夷衍蕃息之風或可頓改今日  
凋瘵澆漓之俗乎若曰備稽核  
昭勸懲而已僕不敏與二三子  
考徵筆削敢以實錄自命焉  
順治十有二年春王正月定陶

定陶縣志

新序

縣知縣趙國琳謹序



初刻定陶縣志序

自簡韋廢而鈇梓行相沿久矣故文字非此不存不存匪廣不廣匪傳何以彰往察來耶陶舊未有刻志每遇上索則蒐羅殘編補綴以應訛而不備有志猶無志也夫邑而無志猶國無史也可乎哉鳳岡唐侯來尹陶曰此缺典也乃延邑之縉紳章縫編摩筆削成二卷且就梓謂予邑人也以序見屬誠重典也敢無言乎夫守土者以承流宣化爲職此蓋承流宣化之可徵者也陶雖慕爾在昔帝堯作游成陽帝舜陶

定陶縣志

卷首

舊序

於河濱皆在區域中流風遺俗至今猶存仰止景行於此獨切居其地者可無尚友之志乎夫堯舜性之也性者萬物之一原堯舜與人同而人皆可爲堯舜者也茨墻而見蚤夜而思勉而安士而賢賢而聖聖而天斯無愧於堯舜矣如或罔睦於族罔察於倫肆自暴棄不可與入堯舜之道是資鮑魚而入芝蘭如彼何哉誘人盡性俗成比屋此固承流宣化之職賢侯之善政也堯典舜章目前具在吾邑人無徒誦說而力行之庶不孤刻志之意若以爲識往行載名物

抑末矣子也居堯舜之里讀堯舜之書固嘗有志於上嘉者被僭言以方其端云

嘉靖四十四年歲在乙丑秋八月賜進士出身奉政大夫南京戶部陝西清吏司郎中邑人喬遷撰

### 初刻定陶縣志序

明興一統有志諸省府州縣大小異域咸有志焉志誠不可以已也余承乏至陶首詢邑志僉曰無之余惟濡亟訪諸故老採輯舊聞明經卞贊孟登氣乃出集畧一卷曰此志草也以備採擇余持以謀之鄉先

### 定陶縣志

卷首

書序

二

達喬公遂慨然曰志術成死瞑目矣因延致博遊得邑致政黃君震岡并庠生曹用行鄧鳴鸞陳大猷孔承輝席承業喬紆聚於孔生承賜之舍分其條目殫厥心力相與就正於喬公余弗克贊一辭也不浹旬成編太學生李應善募工付梓余欣然曰陶斯可以爲邑矣是爲序

嘉靖乙丑歲知定陶縣事長垣唐桐撰

### 再刻定陶縣志序

往陶志斷斷如也由伯華氏父子所增潤而後其書

稍稍稱於人詞之不可已也如是顧志名信史事雖  
詞兼非實錄而強綴之不信已事而闕遺之亦不信  
蕞爾陶丘隸於曹則凡經見籍載以曹繫者俱不當  
竄入爲陶事又今去伯華十七載無論志中所列古  
蹟風俗寢以湮夷卽建置賦役官師選舉人物諸類  
亦皆隨時補葺傳舍積薪月異而歲不同者而濶畧  
不載開卷茫然其何以據故實示來茲故議者僉謂  
志當繕刻深慙寡陋於伯華無能爲役獨雅知博士  
孔承輝君者家藏五車胸橐數斗其於邑中沿革之

定陶縣志

卷首

舊序

三

舊民俗苦樂之因與夫有司者劑量釐剔之宜靡不  
燭照而峽倒也君昔嘗與修校之役茲復邀爲取裁  
而不佞退食之暇亦時執筆從焉凡關民瘼時務者  
細而必錄誇詡無徵者鉅而必闕附修葺於建置以  
徵廢墜之當與附裁革賑恤於賦役以徵財用之當  
縮他若附疏濬於山川附生祠於名宦附請祀詔坊  
於鄉賢人物要以據事直書勦采民譽俾抱膝而蒿  
目者有所監且有所勉至於紀事典禮舊者僅存什  
一則以曹叔世家兩曹所共誌儀注家禮天下之公

書刊而去之不使人謂僭且迂是則孔君所是正與予不佞置管蠡云爾

萬曆二十年仲夏既望知縣陳以見誤

### 三刻定陶縣志序

志者識也以識事也陶志成於伯華氏父子而陳侯繼之書法整嚴事跡詳核可以訓矣而重修者何蓋志卽邑之史一事或訛一人或畧不足以昭故實而信來世往志修葺數載於茲矣古蹟遺址流風餘韻雖百世不改哉第幾務民事久則必變變則必通寧

### 定陶縣志

卷首

舊序

四

無振刷剔釐可昭法戒于國事也者寧無彰瘴旌別可裨勸懲于民風也者昔人謂漢無全史皆班馬之咎而志屬缺誤賁將誰歸丙申春余蒞茲土卽欲考訂補綴以初至未能也且孤陋僭妄吾爲此懼茲緣訪之故老參諸廣文諸士子凡上關國事下切民生有可增損者因其實錄分其門類首以封域則盛衰宜鑒也次以建置則政蹟宜考也次以食貨則得賦宜清也次以祠廟官師人物藝文雜志則典禮不淆而勸戒聿昭也稽經據史補舊拾遺當紀者求色

志當備者求免踈畧勉勉翼翼持公心以披其要而  
已至于事屬已然有百年不易者惟剛其冗釐其誤  
已耳敢妄議哉嗚呼後之視今卽今之視昔數載而  
後有憑往事而爲損益者則此一修也未必非滄海  
之涓滴云

萬曆戊戌秋知定陶縣事樂城楊克順撰

縣圖

本縣延袤六十里有奇東至鉅野縣界四十里南至曹縣界十八里西至東明縣界二十二里北至曹州界二十里東距城武縣六十里東南距單縣一百三十里南距曹縣六十里西南距黃河岸七十里西距直隸東明縣九十里西北距曹州四十里北距鄆城縣一百三十里東北距鉅野縣一百二十里東北抵兗州府二百五十里抵濟南省城五百五十里北抵京師陸路一千四百四十里水程二千一百里

定陶縣志


卷首

縣圖

界牌

東






定陶縣志

卷首

縣圖



界牌

界牌

西

二

新莊

楊家店

寶乘塔院

三官廟

三官廟

玉皇廟

李家店

牛王村

河濱寺

觀音堂

三官廟

奶奶廟

烏堤廟

養濟院

楊家店

三官廟

南

北

賂化集

杏堤村

琴山

趙村舖

趙村舖

官垣堆

農亭

寶乘塔院

楊家店

三官廟

三官廟

玉皇廟

李家店

牛王村

河濱寺

觀音堂

三官廟

奶奶廟

烏堤廟

養濟院

楊家店

三官廟

南


定陶縣志

卷首

城圖

三

城圖



本縣城高三丈五尺址厚三丈頂厚一丈八尺築口  
 二千七百有奇周圍長七里零六十步東門至西門  
 長一里零三百步南門至北門長一里零六十步濠  
 深二丈廣三丈護城堤高三丈堆厚二丈五尺頂厚  
 五尺周圍長七里零二百一十步障水堤高二丈城  
 厚二丈頂厚八尺離城遠一百五十步周圍長十二  
 里

理陶五議

知縣趙國琳撰

墾荒

本縣古稱都會之區。黃河北注。濟水東流。范蠡所謂天下之中。交易有無之路。通卜居於此。遂以致富。本縣嘗西臨長堤。東望石樓。南登柳岸。之陰。北眺髯山之麓。第見蒿萊極目。雞犬罕聞。形勝猶存。民物盡瘁。有感慨之心焉。古何以盛。今何以彫也。蓋古陶水陸交衝。商賈輻輳。民聚

定陶縣志

卷首

條議

則粟貴。粟貴則農利。農利則地闢。地闢則賦輕。賦輕則民裕。民裕則圉固。故裕無胠篋之風。野有桑麻之盛。迨其後水徙而生計息。河決而徃役興。又以大軍之後。凶歲洊臻。草竊之餘。立錐無地。民逃地荒。有由來矣。土曠人稀。差繁賦重。甚至墳草枯而名猶籍。地茅塞而糧尚存。故見在一丁而出數丁之差。成熟一畝而包數畝之稅。如之何不稱重困耶。明末奇荒。人至相食。拋棄過半。始議均田。